

عَلَ شَ مَسِي
 عَنبِ ثُلُ نَشَن سَبَّ
 عَقْسِ دَنَشِنِي حَم م
 مَسِي نَدِي كَبِي شِ قِ ر

يِ كَبِي قِنْدَشِ بَتَّاشِ نَن نَ عَلَ شَ شِيرِ ثُلُ نَشَن سَبَّ دَنَشِنِي حَم م
 نَشِي نَ سَبَتَشِ عَقْسِ تَا كِي نُنْ عَ رِبَلِي . تَمِي دَنَفَشِ ، ثُلُ نَ بَرِ كَوْنَدِ تِ نَا
 عَاكُ مِشِي شَ دَنَشِنِي عَسَ م . عَ لُ نَ نَ تَا كِي هَن حَ قِرِن . قِ نَشِي دَنَفِ
 عَقْسِ نَ وَشَتِ بُنْ م ، عَ سَبَتَشِ عَسِ شَ شِيرِي شَ تَرُشِي كِي ، سَر . ۱۹
 ثُلُ يِ كَبِي سَبَّ تَمِي نَشَ ، عَ نَ سَشِ فِيلِ عَلَ شَ مَسِي كَوْنَدِ م .
 عَلَ شَشَلِ سَنِينَشِ نَشَ مَسِي قِ عَ مَ نَشَن قِنْدِ يِ كَبِي ر .

عَلَ عَ تَ عَقْسِ دَنَشِنِي رِلِي ، عَ لَنِ قِ عَ م ، يِ كَبِي نَمَ قِ فِينَبِ
 مَسِنْدِ وَنَ قَنَ بَ . عَ عَلَ سَفِ مَكَنَمَ وَنَ بَ عَ نَشَن نَكَلِ عَ شَ مِشِ
 سَفِنْدَشِ عَسِ سَابِي ر . عَ سَفِ نَ عَ رَ مِشِ بَرِنَ شَ نَ كِسِ سَتَدِ عَسِ
 شَ سَرَشِ سَابِي ر . يِ كَبِي عَ مَسِنَمَ وَنَ بَ عَ مِشِ يِ مَ نَ نَشَن شَ وَلِ
 قَبِي نَمَ عَ رَكِسِدِ . مِشِ كِسَمَ عَلَ شَ هِنَنَ نَن تَن سَابِي ر . يِ كَبِي مَنَ عَ

مَسْمُونٌ بَّعَ دَلْشَنِتِّي حَمَّ تَدِّ فَبْ عَلَّ بَّ. عَ بَرَوَلِ سُّ عِ ي رَ، عِ شَ
 نُّ نَ رَبِّ هَنِّ بَيْنُ عَ مَن قَمَّ عِ قُش رَلْشَنُّ. عَ بَرَقِ قَنِي مَسِن، عَ لَمَّ
 دَلْشَنِتِّي شَ حَرَّ لَشِي مَ. عَ مَن بَرَقِيرِ قِ عِ مَ عِ شَ نُّ تَدِّ سِنْتَن كَنكَ عَلَّ
 فِرْسِي تَمَّ عَ فَرَقَ كَنكَ كِ نَشَّ.

ي كِبَابِي شَ مَسِنِي سَنَبْ فَبْ كِ قَنِي. عَلَّ شَ عَ رَسَبَتِ وَّن سِنْدَنِي كِي.
 عَلَّ شَ عَ شَشِلِ رَفَرُون مَ لَشَن لَنِّ قَم، لَشَن قِي مَكَنَم، عَلَّ وَّن مَ عَلَّ
 كَلِي شُن شَ مَس. عَلَّ شَ سَنَبْ قِ وَّن مَ وَّن شَ لَنِّ سَتَّ عَ شَ مَشِ
 سَفَنْدَشِ شَ شَنْتِي مَ لَشَن دَنْفِ لَنِّ بَرِن نَ. عَلَّ شَ وَّن نَكَلِ عَ شَ قِ
 كَلِشِ بَرِن نَ. عَمِن.

عَلَّ شَ مَسِنِي
 عَنَبِ ثَلُ لَشَن سَبَّ
 عَقَس دَلْشَنِتِّي حَمَّ مَ

شَيْبِي

1 آ تَن ثَلُ نَن ي كِ، عَلَّ بَرَّ عَ رَفَرِ لَشَن شَ قَنْدِ عَ شَ مَشِ سَفَنْدَشِ عَسِ
 شَ شِيرَ رَ. أ بَرَوَتَن عَقَس سَلِيَتِي شَيْبُ، عَلَّ شَ مَشِ سَفَنْدَشِ عَسِ

شَ دَنْشَيْيْ. ² وَنْ بَبْ عَلْ نُنْ وَنْ مَرَفِ عِسْ عَلْ شَ مِشِ سَفَنْدِشِ شَ
هِنَنْ نُنْ بَحْسِ قِ وَ مَ.

عَلْ مَتْنِيْ

³ تَنْتِيْ نَنْ عَلْ بَبْ، نَشَنْ قَنْدِشِ وَنْ مَرَفِ عِسْ بَبْ رَ. عِسْ سَابِيْ رَ، عَ
بِرَبْرَكْ بَرَنْ نَفَرِ وَنْ مَ، نَشَنْ مَوْلِ مْ كَلِمِ يِ دُنْحِ مَ، نَشَنْ مَوْلِ مْ تَمْ، نَشَنْ وَنْ
مَلِمَ عَرِيْنِ كَرَشَنْ. ⁴ بِيْنِ دُنْحِ فَمَ سَنْفِ حَنْ شَ دَشْ، عَلْ نَ بَرِ وَنْ سَفَنْدِ
عِسْ سَابِيْ رَعَلَكْ وَنْ شَ سَنْيَنْ، وَنْ شَ تَنْشَنْ عِ يِ عَ. عَ شَ شَنْتِيْ كِيْ،
⁵ عَ نَشَ حَنْفِ تَنْفَ وَنْ شَ قَنْدِ عَ شَ دِيْ رَعِ شَ مِشِ سَفَنْدِشِ عِسْ
سَابِيْ رَ، عَلْ سَفَ قَنْيِ مَ. ⁶ نَ بَرَنْ نَبَشِ نَ عَلَكْ وَنْ شَ عَ شَ هِنَنْ شَنْفِ
مَتَشْ، عَ نَشَنْ مَسَنْشِ وَنْ بَبْ عَ شَنْتِيْ عِسْ سَابِيْ رَ.

⁷ عَ تَنْ عِسْ بَرِ وَنْ شَنْسَرِ قِ عَ يْتِ وَنْ رَ. وَنْ مَ يَنْبِيْ شَقْرِشِ عَ تَنْ نَنْ
سَابِيْ رَ. نَ بَرَنْ نَبَشِ عَلْ شَ هِنَنْ مَكَابَشِ نَنْ كِيْ، ⁸ عَ بَرَنْشَنْ قِ وَنْ مَ عَ
يِرِوشِ رَ، لَنْزِ نُنْ قَهَامِيْ رَ. ⁹ عَ بَرَعِ سَفَ فَنْدِ مَكَنْ وَنْ بَبْ، عَ تَ وَ عَ
شَنْ عَ سَفَ شَ رَبْ عَ شَ مِشِ سَفَنْدِشِ سَابِيْ رَ ¹⁰ وَشَتْ كَلِمِ تَمِيْ. عَلْ
سَفَ قَنْدِشِ يِ نَنْ نَ، عَ شَ سِ بَرَنْ مَلَنْ، نَبَشِيْ نَ كُورِ عَ نُنْ نَبَشِيْ نَ بَشِ،
عَ شَ عَ شَ مِشِ سَفَنْدِشِ قَنْدِ عَ بَرَنْ شَنْيِ رَ. ¹¹ وَنْ قَنْ قَنْدِشِ كَتَنْفِيْ رَ
عَ تَنْ نَنْ سَابِيْ رَ، عَلْ عَلْ عَ حَنْفِ تَنْفَشِ كِ نَشْ، نَشَنْ قِ بَرَنْ نَفِرِ مَ عَ يْتِ

سَفِي نُنْ عَ شَ نَتَّ مَ .¹² نَ بَرِنَ نَبَشِ نَّ عَلَكَّ وَنَ تَنَ لَيْثِي قِنْدِ مِشِ سِنْفِي
 رَنْثِي عَ شَشِلِ تِ عَلَّ شَ مِشِ سَفِنْدِشِ رَ، وَنَ شَ عَلَّ نَرَكْنِي مَتَشُ .
¹³ وَقَنَ تَنْدِ مِسِنِي رَمَّ عَسَ شَ قِ رَ، شِبَارُقِي نَشَنَ كِسِ قِ وَ مَ،
 وَنَشَ دَنْشِي عَ مَ . عَسَ سَابِي رَ، عَلَّ نَشَ وَ مَتَشَمَّ عَ شَشِلِ سِنِينَشِ رَ عَلَّ
 عَ لَايِدِ كِ نَشَ .¹⁴ عَ بَرَّ عَ شَشِلِ سِنِينَشِ قِ وَنَ مَ وَنَ كَ قَلَّ رَ . عَ قَمَّ وَنَ
 كَ دَنْشِي بَرِنَ قَدِّ وَنَ مَ عَ نَ قَ عَ شَ مِشِي قَشَ رَتْمِي نَشَ . يِ بَرِنَ نَبَشِ نَّ
 عَلَكَّ عَلَّ نَرَكْنِي شَ مَتَشِي نَتَّ .

ثَلُ شَ عَلَّ مَشَنَدِ عَقَسَكِي بَّ

¹⁵ نَ كِي، كَقِ آ عَ مَّ وَ دَنْشِينَشِ مَرِفِ عَسَ مَ كِ نَشَ، وَ مَنَ سِنِينِي
 بَرِنَ شُنَشِ كِ نَشَ،¹⁶ دَنِي يِ مَ نَ آ مَ تَنِي مَ وَ شَ قِ رَانَ عَلَّ مَشَنَدِ مَ وَ
 بَّ .¹⁷ آ مَ مَشَنَدِ سَفَمَ بَبَّ عَلَّ نَرَكْنِي نَنَ مَ، وَنَ مَرِفِ عَسَ نَشَنَ بَتَمَّ، عَ
 شَ عَ شَشِلِ رَفَرُومَ نَشَنَ قَهَامِي قَمَ، نَشَنَ قِي مَكَنَمَ، عَلَكَّ وَ شَ عَلَّ كَلْفِي
 شُنَ شَ مَسَ .¹⁸ آ عَ مَشَنَدِ مَ وَ بَحَّ شَ قِ تَ عَ قِيشَ رَعَلَكَّ وَ شَ كَلَنَ
 نَتَّ عَ مَ عَ عَلَّ بَرُوشِلِ، قِ شَ لُ وَ بَّ وَ وَ شَشِلِ تَمَّ نَشَنَ نَ، عَلَكَّ وَ
 شَ كَلَنَ نَتَّ عَلَّ شَ كَ مَكَابَشِ مَ نَشَنَ قِنْدِشِ عَ شَ سِنِينِي بَرِنَ فِ رَ،
¹⁹ عَلَكَّ وَ مَنَ شَ كَلَنَ نَتَّ عَلَّ شَ سَنَبَّ شَنْفَبِ مَ نَشَنَ نَ وَنَ تَنَ دَنْشِينِي
 بَّ . يِ سَنَبَّ قِنْدِشِ عَلَّ شَ سَنَبَّ مَفَاشِشِ نَنَ نَ،²⁰ عَ نَشَنَ نَمِنَ عَ تَ

عَ شَ مِشِ سَفَنْدِشِ رَكِلِ قَشِّ مَ، عَ عَ مَفْرَعِ بَرَقِي مَ عَرِيَنَ. ²¹ عَلَّ بَرِّ
 مَنِّي قِ عَ مَ لَشَن دَنْفِ مَنِّي، نِي، نُن سَنَبِ بَرِنَ. عَ بَرِّ شِلِ قِ عَ مَ لَشَن
 دَنْفِ شِلِ بَرِنَ نَ لَشَن قَلَمِ يِ دُنْجِ مَ عَ نُن عَلِيمِ. ²² عَلَّ بَرِّ قِ بَرِنِ سَ عَ شَ
 يَامِرِ بِنَ، عَ مَن قِ عَ قَنْدِ قِ بَرِنِ شِنِي رَدَلَشِنِي حَمِ بَ. ²³ دَلَشِنِي حَمِ
 قَن لَشِن نَ عَلَّ عَلَّ شَ مِشِ سَفَنْدِشِ قَتِ. لَشَن قِ بَرِنِ نَكَلَمِ عَ مَوْلِ بَرِنِ
 نَ، عَ شَ قِ كَلَشِ بَرِنَ نَ دَلَشِنِي حَمِ تَفِ.

2

كِسِ سَمَّ عَلَّ شَ هِنَن نَ سَايِ رَ

¹ وَقَن نَ قَنْدِشِ مِشِ قَشِي نَ نَ وَشَ قِ كِي نُن وَشَ يَنْبِي شَ قِ
² رَ وَنَ حَرَمِ لَشِي مَ. وَنَ بَرِّشِ يِ دُنْجِ قِ كِي نَ قَشِ رَ. وَنَ بَرِّشِ سِنَن
 نَ قَشِ رَ، حِنِي شَ مَنَفِ لَشَن نَ كِي مَ. وَنَ بَرِّشِ عَ شَشِلِ نَ قَشِ رَ
 لَشَن نَ وَلَقِي عَلَّ يَشِي تَفِ. ³ سِنَفِ، وَنَ بَرِنِ نَ حَرَمِ نَ مَوْلِ نَ نَ، وَنَ بَرِّ
 وَنَ قَتِ وَشَنِي نُن وَنَ يَتِ شَشِلِ قَشِ رَ. نَ كِي، عَ نَ لَمَ وَنَ شَ عَلَّ شَ
 شَن نَ نَ تَن سَتَ عَلَّ بَوْرِي.

⁴ كُنَّ عَلَّ شَ كِنِكِنِ فَبِ. عَ وَنَ شَدَشِ شَنَنِي تَلَشِ نَ نَ. ⁵ نَ كِي،
 هَلِ قَشَمِشِي نَ تَ نَ وَنَ نَ وَنَ مَ قِ كَبِ رَبِي شَ قِ رَ، عَلَّ لَشَ وَنَ
 نَكَلِ نَ قَشِ مَ، وَنَ نُن عَ شَ مِشِ سَفَنْدِشِ. وَ كِسِشِ عَلَّ شَ هِنَن نَ

سَابِي رَ 6 عَلَّ تْ بَرُّونَ نَكِلِ قَشِّ مَ وَنْ نُنْ عَ شَ مِشِ سَفَنْدِشِ رَ، عَ
 بَرُّونَ نَسْ عَرِينَنَ، عَ وَنْ دُشْ عَ قَ مَ. 7 عَ شَ قَنْسِرِي كِي، عَلَّ كِسِ
 قَشِّ وَنْ مَ عَ شَ مِشِ سَفَنْدِشِ عَسَ نَن سَابِي رَ، عَلَّكْ بَرِنْ شَ عَ شَ هِنَنَّ
 مَكَابَشِ تْ وَشَتِ بَرِنْ نَشَن سَ قَمَ.

8 وَ كِسِشِ عَلَّ شَ هِنَن نَن سَابِي رَ، وَشَ دَنْشِنِي شَ قِ رَ. كِسِ مْ
 كَلِمَ وَتَن شَ مَ، عَلَّ نَن عَ قَمَ مِشِ مَ. 9 عَ مْ كَلِمَ مِشِ شَ وَلِ قَنْبِي شَ
 مَ. نَ كِي، مِشِ يَ مْ نَمَ عَ يَتَ مَنَشِدَ. 10 عَلَّ شَ وَلِ قَشِّ نَن نَ وَنَ نَ.
 يَكْسِ، عَ بَرُّونَ دَاعَ شَ مِشِ سَفَنْدِشِ عَسَ سَابِي رَ، عَلَّكْ وَنْ شَ نَ وَلِ
 قَبِي رَ، عَ بَرْنِشِي تِ وَنِ يَ عَ وَنْ شَ نَ حَرَجَ مَ.

دَنْشِنِي حَمَ قَنْدِقِ عَلَّ شَ مِشِي نُنْ عَلَّ شَشَلِ سَبَتِدِ رَ عَسَ شَ سَرَشِ
 سَابِي رَ

11 نَ كِي، وَشَ رَتَ عَ يُوْقِي مْ وَرَبْرَحَ مَ. نَشِي شَلِ قَلَمَ «سَنْنَمِشِي»
 عَ وَقَنْ شَلِ قَلَمَ «سَنْنَتْرِي». وَشَ عَ كَلَنَ عَ سَنَنْ قَنْدِشِ عَدَمَ شَ وَلِ نَن
 نَ، نَشَن نَمَ مِشِ قَتَ رَ. 12 وَشَ رَتَ عَ سِنْفِ رَ وَ مَ نَ عَلَّ شَ مِشِ
 سَفَنْدِشِ شَ قِ يَ كَلَنَ. شَخِّي نَن نَ وَرَ عَسِرِلِكِي يَ مَ. لَايِدِ نَن سَاتَ
 يَ مَ نَ شَرِشِ وَنَ عَلَّ تَفِ. شَشَلِ تَدِي مَ نَ نَ وَ يَ رَ، عَلَّ كَلَنْتَرِي نَن
 نَ وَرَدَنْجَ مَ.

13 كُنْ يَكْسِ، وَتَنْ لَيْبِي دَلْشَنِيشِ عَلَّ شْ مِشِ سَفَنْدِشِ عَسِ مَ، وَتَنْ لَيْبِي نْ مَكَيْشِ، عَلَّ بَرَّ وَ مَسَّ عَ رَعِ شْ مِشِ سَفَنْدِشِ وُلِ سَابِي رَ. 14 عَ تَنْ لَيْبِي رَسْشِ وَنْ تَفِ، حَمَّ قَرْنِ شْ قَنْدِ كَرْنِ نَ. عَ تَ عَ يَتَّ قَتَّ بَبَّ سَرَّشِ رَ، عَ بَرَّ لَيْبِي تَتَّ رِبْرَنْشَنْ نْ لَيْشِ وَنْ تَفِ. 15 عَ بَرَّ يُوْقِي شْ سَرِي، عَ شْ يَامَرِي، نُنْ عَ شْ تَنْبِي سَنْبَ كَنْ. عَ بَرَّ نْ حَمَّ قَرْنِ تَفِ، عَ لَيْبِي شِيرِ عَ تَفِ، عَ عَ قَنْدِ حَمَّ نِيَّ كَرْنِ نْ عَ شْ يَامَرِ بَنْ مَ. 16 عَ شْ قَشَّ سَابِي رَ وِرْ مَفْلَنْبِشِ مَ، عَ بَرَّ عَ شْ يَشِي كَنْ، عَ عَ قَرْنِ بَرْنِ قَنْدِ كَرْنِ نْ، عَ لَيْبِي نُنْ بَحْسَ لْ عَ تَنْ نُنْ عَلَّ تَفِ. 17 عَ تَ قَ، عَ نَشَّ وَ كَوْنَدِ لَيْبِي نُنْ بَحْسَ رَ، وَتَنْ لَيْبِي نْ مَكِي. لَيْبِي قَنْ نْ مَكْرَ، عَ نَشَّ نِي كَوْنَدِ لَيْبِي نُنْ بَحْسَ رَ. 18 عَ تَنْ نَنْ نَادَّ رِبْشِ وَنْ قَرْنِ بَرْنِ بَ، وَنْ نُنْ بَبَّ عَلَّ شْ لْ يَرِ كَرْنِ، عَ شَشَلِ سَنْبِشِ كَرْنِي سَابِي رَ.

19 نْ كِي، وَتَنْ لَيْبِي مْ نْ نْ عَلَّ شْ مِشِي يَ مَ، يَكْسِ وَ قَنْ بَرَّ قَنْدِ سَنْبِي رَ، وَ بَرَّسَّ عَلَّ شْ مِشِي يَ مَ. 20 وَ بَرَّ لْ عَلَّ بَنْشِ لَيْشِ نَشَنْ بَنِي قَنْدِ شِيرِي نُنْ نَمَحْمِي رَ. عَلَّ شْ مِشِ سَفَنْدِشِ عَسَ نَنْ قَنْدِ نْ بَنْشِ فَمَّ هَفَفَّ رَنْشَنْ تَدِّ فَبَّ عَ بَرْنِ بَ. 21 بَنْشِ يَرِ بَرْنِ عَ بَوْرِ سَشْشِ عَ تَنْ نَنْ سَابِي رَ، عَ عَتِّ، عَ قَنْدِ هَرْمَبَنْشِ سَنْبِشِ رَمَرَفِ بَ. 22 عَسَ بَرَّ عَ نِي وَ قَنْ شْ نْ مَلَنْ عَلَّ بَنْشِ بَرِّكْ دَشَمَّ عَ بَوْرِ رَكِّ نَشَّ. عَلَّ نْ وَ تَتِي عَلَّ بَنْشِ

عَ شَشِلِ سَبْتَمَ دَنْشَ .

3

عَلَّ شَ فُنْدُ مَكَنْتَقِ

1 نَنْ عَ تَشِ، آ عَلَّ مَشْنَدِمَ وَبَّ، آ تَنْ ثُلْ، لَشْنِ بَرَقَنْدِ فِيلَهِنِ رَعَلَّ شَ
 مِشِ سُفَنْدِشِ عَسَبَّ وَشَ قِ رَ، وَ تَنْ لَشِي مَ قَنْدِشِ عَسِرِيلَكِي رَ. 2 آ
 لَشِي عَ رَ، وَ بَرَع مَّ عَلَّ لَشِ عَ شَ هَنْ تَشِ آ نَ آ شَ عَ مَسِنِ وَبَّ. 3 آ حَنْ
 بَرَع نَدِ تَفِ رَبِّ، عَلَّ بَرَعِ شَ فُنْدِ مَسِنِ آ بَّ لَشْنِ سِنْفِ نُ لَشْنِشِ. 4 وَ
 نَ آ مَ سَبَلِ شَرَنْ، وَ نَمَّ نَ عَ كَلَنْدِ عَ قَهَائِي بَرَقِ آ مَ عَلَّ شَ مِشِ سُفَنْدِشِ
 فُنْدِشِ قِ رَ. 5 يَ فُنْدُ مَ نُ مَكَنْشِ عَ سِنْفِ رَنْ عَدَمَدِي بَّ عَلَّ عَ قِ
 مَكَنْشِ عَلَّ شَ شِيرِ سَنِيشِي نُنْ مَحْنَمِي بَّ كِ لَشِ تَ عَلَّ شَشِلِ سَنِيشِ
 سَائِي رَ. 6 عَ بَرَمَكَنْ قِ، عَ سِ فَبْتِي نُنْ عَسِرِيلَكِي بَرَقَنْدِ حَمَ كَرَنْ نَ. عَ
 بَرَقَنْدِ كِ كَرَنْ تَفْمِي رَ. عَلَّ لَا يَدِ كَرَنْ نَنْ تَفَشِ عَ بَرَنْ نَلَشِ بَّ، عَلَّ شَ
 مِشِ سُفَنْدِشِ عَسَبَّ شَ شَبَارَقِي سَائِي رَ.

7 عَلَّ تَ هَنْشِ آ نَ عَ سَنْبِ بَرَنْ نَ، آ قَنْ بَرَقَنْدِي شَبَارَقِي شَ وَ لَكَّ رَ.
 8 هَلِ آ تَ شُرْنِشِ دَنْفِ سَنِيشِي بَرَنْ نَ، عَلَّ بَرَهَنْ آ نَ. عَ شَ هَنْ قَنْدِشِ
 آ بَّ يَ نَنْ نَ، آ تَنْ شَ سِ بَرَنْ كَوْنَدِ عَلَّ شَ مِشِ سُفَنْدِشِ شَ شَبَارَقِي
 مَكَابَشِ رَ، 9 آ شَ عَلَّ فُنْدُ مَكَنْ عَدَمَدِي بَرَنْ بَّ، لَشْنِ نُ لَشْنِشِ عَلَّ دَالِ

مَنْفِ ي رَ . كَتِي قِ قُلْ قُلْ يِ فُنْدُ نْ لُنْشَنِ عَلِ يِ ، 10 كُنْ يَكْسِ ، عَ
 سَفْ نَ عَ رَدَلْشَنِتِي حَمَّ شَ عَ شَ لَنْ بَرِنَ مَكَنَّ مَنَفِي نُنْ لِي بَ نَشِي نَ
 كِي مَ . 11 يِ بَرِنَ قَنْدَشِ عَلَ شَ نَتَّ نَنَ نَ لُنْشَنِ نَ عَ يِ رَ عَبَدَن . عَ
 عَ بَرِنَ نَكَلَشِ وَنَ مَرَفِ عَسَ نَنَ سَابِي رَ ، عَ شَ مِشِ سَفَنْدِشِ . 12 عَ تَنَ
 سَابِي رَ ، وَنَ تَ دَلْشَنِشِ عَ مَ ، وَنَ نَمَّ وَنَ مَكْرَدِ عَلَ رَمَلِي كِي ، سِيكَ شَنْبِ .
 13 نَ كِي ، أَبْرُو مَشَنْدِ لَمِي نَشَ بَ وَيِ آمَ تَوْرَ كِي وَشَ قِ رَ ، بَرِمَ عَ قَنْدَمَ
 وَبَ شُنْكَلِ نَنَ .

14 نَ نَنَ عَ تَشِ ، آ نَنَ آ شَنْبِ سَمَّ بَبَ عَلِ يِ عَ ، 15 بَنْسِي بَرِنَ قَتَنْشِ
 لُنْشَنِ نَ ، نَشِي نَ كُورِ نُنْ بَشِ . 16 آ عَ مَشَنْدَمَ عَ شَ وَ مَلِ عَ شَ نَزَّ مَكَابَشِ
 سَابِي رَ ، عَ شَ وَ بَحَّ سَنْبَ سَ عَ شَشَلِ سَابِي رَ . 17 آ عَ مَشَنْدَمَ عَ شَ مِشِ
 سَفَنْدَشِ شَ سَبَتِ وَ بَحَّ عَ دَلْشَنِتِي سَابِي رَ ، وَ مَنَ شَ سَبَتِ شَنْتِي كِي . وَ
 شَ شَنْتِي سَشُ عَلَ وَرِ بِلِ سَنَكِ بَشِ سَشَشِ كِ لَشِ . 18 آ عَ مَشَنْدَمَ عَ
 شَ سَنْبِ قِ وَ مَ ، عَلَّكَ وَنَ سَنِتِي بَرِنَ شَ نَ عَلَ شَ مِشِ سَفَنْدَشِ شَ
 شَنْتِي فِي ، عَ كِي ، عَ عَتِي ، نُنَ عَ تَلِي كَلْنَدِ وَ مَبِرِ . 19 وَ شَ كَلَنَ سَتَ عَ
 مَ عَلَ شَ مِشِ سَفَنْدَشِ وَ شَنْشِ كِ لَشِ ، شَنْتِي لُنْشَنِ مَ نَمَّ فَهَامِدِ عَ فِي شَ
 قِ رَ ، عَلَّكَ عَلَ شَ وَرِ كَلِ عَ شَ قِ كَلَشِ بَرِنَ .

20 مَتَشِي نَ عَلَ بَ لُنْشَنِ نَمَّ قِ بَرِنَ نَ عَ سَنْبِ سَابِي رَ عَ لُنْشَنِ قَشِ وَ
 مَ ، لُنْشَنِ نَمَّ قِ بَرِنَ ، دَنْفِ وَنَ مَ مَشَنْدِ نُنْ مَحْشِنِي رَ 21 مَتَشِي نَ عَ تَنَ نَنَ

بَّ دَنْشَيْتِي حَمَّ نُنْ عَ شَّ مِشْ سَفَنْدِشِ عَسَ سَابِي رَوَشْتِ بَرِن، عَبْدَن،
عَمَن.

4

دَنْشَيْتِي حَرِّكْ

حَرِّقْ لِي كِي

1 ن كِي، آ تَنْ نَشْن بَرَقَنْدِ فِيلِينِ رَمَرَفِ شِ قِ رَ، آ بَرَّ وَمِينِدِ وَحَرِّكْ
شَّ عَ مَسْنَعِ عَلَّ نَنْ يَتِ وَشَلِشِ. 2 وَشَّ حَرِيَّتْ مَفَرِنُ بَحْ بَشِ كِي، وَ
نُ دَحَّ وَبَرَبَّ، وَتِ وَبَرَسَنَ نَ شَنْتِي كِي. 3 وَشَّ قِ بَرِنَ نَبَّ عَلَكْ لِي
نَشَّ كَنْ وَتَفَّ، عَلَّ شَشَلِ سَنِينِشِ نَشْنِ قَشِ وَمَ بَحْسَ رَ. 4 وَنَ قَنْدِشِ
قَتِ كَرِنَ نَنْ نَ. عَلَّ شَشَلِ سَنِينِشِ كَرِنَ نَنْ عَ رَ. عَلَّ وَقَنْ شَلِشِ نَ وَ
شَّ وَشَشَلِ تِ قِ كَرِنَ نَنْ نَ. 5 مَرَفِ كَرِنَ، دَنْشَيْتِي كَرِنَ، نُنْ شُنَشِ كَرِنَ
نَنْ نَ وَنَ بَّ. 6 عَلَّ كَرِنَ نَنْ نَ وَنَ بَّ نَشْنِ قَنْدِشِ بَرِنَ بَبَّ رَ، نَشْنِ نَ بَرِنَ
شُنْ مَ، نَشْنِ وَلَمْ بَرِنَ سَابِي رَ، نَشْنِ نَ بَرِنَ عَ.
7 كَنْ هِنَّ قَشِ كَنْكَنْ مَ وَنَ يَ مَ عَلَّ عَلَّ شَّ مِشِ سَفَنْدِشِ عَ شَسَبِشِ
كِ نَشَّ. 8 نَ نَنْ عَ نَشِ عَ سَبِشِ،

«عَ تَ تَ كُورِ،

عَ نَشَّ عَ يَشِي سَشْ،

عَ نَشَّ عَدَمَدِي كِ.»

9 ع ت سَبَّسِ، «ع بَرَّتْ،» ن ن ن ك ع بَرَّ فَرَهَن بَشِ م سِنْدَن، بِنِن ع
 مَن ش ت. 10 لَشَن فَر، ن ن مَن تَشِ كُورِ بَرِن شُن م، ع لَكَّ ع ش قِ
 بَرِن نَكَلِ. 11 ع عَد مَدِي ك لَشَن ن، ع قِنْدِي ن ن؛ نَدِي ش قِنْدِ شِيرِي
 ر، نَدِي ش قِنْدِ نَمَحَمِي ر، نَدِي ش قِنْدِ شَبَارُ قِي كُونَدِي ر، نَدِي ش قِنْدِ
 دَلَشَنِتِي شُفِي ن كَرَمَشِي ر. 12 ع وَن كِشِ ن ن بَرِن ن ع لَكَّ وَن ش
 سَنِتِي مِلِ ع ش قَت عَل ش مَشِ سَفِنْدَشِ ش دَلَشَنِتِي حَم رَحَرِدِي.
 13 وَن ش بَرِن قَش رَهَن وَن بَرِن ش ل لِي كِي لَشَن كَلِم دَلَشِنِي ن عَل
 ش دِ كَلْتِي م، هَن وَن بَرِن ش كَلِ عَل عَل ش مَشِ سَفِنْدَشِ كَلِشِ كِ
 لَش. 14 ن تَمِي وَن م لَم سَن عَل دِيرِي. وَن م لِنْتَم سَن عَل وَر لَشَن سَشِ
 ي قَر، مَرِنِي ن فِي لَشَن تَنَم، ع ع شَنِ يَرِن. ن كِي، مَشِي م نَم وَن تَتَنَدِ
 سَن ع ش وَل كُونَدِ ر، ع ش كُوت، ن ع ش يَقَنِي ر. 15 وَن ش نَدِ
 ن قَل شُنْتِي كِي. قِ بَرِن كِي، وَن ش دَلَشِنِي عَل ش مَشِ سَفِنْدَشِ م،
 لَشَن قِنْدَشِ دَلَشَنِتِي حَم شُني ر. وَن ش م ن دَلَشِنِي كِي. 16 شُني ن قَتِ
 سَلَسِ بَرِن نَحْرَم. كَنَكَن شِرِشِ ع بُورِ ر، كَنَكَن ع ش وَل رَجَم، ع لَكَّ قَتِ
 بَرِن ش م، ع ش سَنَب سَت شُنْتِي كِي.

حَرَقِ لَهَلَّ نِين م، تَدَشِنِي ن سَنِتِي كِي

17 ن كِي، آي ن قَلَم وَب، آ مَن ش ع مَبِن مَرِفِ شِلِ ر، وَنَش حَر

سُننَ عَلَ دَنْشَنِتِيرِي حَرَمَ كِ نَش. عَ شَشِلِي بَرَمَ قِ قُقُقُ نَن تُن قُش رَ. 18 عَ شَشِلِي عَقُورُش. عَ شَ قِ كَلَنْتِيرِي نُن عَ شَ سُنْدَن شَرُشِي بَرَعِ نِي عَ شَ فَنَ عَلَ شَ كِس رَ. 19 عَ مُ يَافِمَ قِي مَ سُنن. عَ بَرَعِ يَت رِبِلَ لَنْفِيحَ شِل م. عَ مُ وَسَمَ قِ كَبِ مَوْلِ بَرِنَ نَبِي رَ.

20 كُن عَلَ شَ مَشِ سُنْدِنَشِ مُ وَتَشِ نَ كَرَشِ شُن! 21 وَعَ شَ قِ مَشِ نَ، وَمَنْ بَرَشَرَنَ عَ شَ قِ رَ. وَعَ كَلَنَ يَتَ عَ نُنْدَ نَ عَسَ نَن ي. 22 وَتِكَنَشِ نَ وَشَ وَيِ بَ وَحَرَكِ قُرَر، لَشَنَ وَشَنَ نَكَمَ وَوَشَنَقِ كَبِ سَابِي رَ. 23 وَبَجَ نُنَ وَشَشِلِ شَ مَقْنَدِ بَجَ نِينِ نُنَ شَشِلِ نِينِ رَ. 24 وَشَ وَ لَهَلَّ قُرُ مَسْرَعِ نِينِ رَ. وَلَمَّا نَ عَلَ وَبَرَقْنَدِ مَشِ نِينِ رَعَلَ لَشَنَ دَاشِ عَ شَ حَرَّعَ شَ تَنْشِنِي نُنَ سَنِينِي يَتَ كِي.

25 نَ كِي، وَنَ شَ وَ لَ، وَنَ شَ نُنْدِ نَن قَلِ وَنَ بَرَبَ، بَرَمَ وَنَ قَنْدِشِ قَتِ كَرَنَ سَلْنِي نَن نَ. 26 شَ وَشَنَ، وَنَشَ يَنْبِ رَب. وَنَشَ عَ لَ سَفِ شَ دَلِ شَنَ نَ وَبَجَ كِي، 27 عَلَكُ وَنَشَ سَنْتَدِ لَ عِبِلَسَ ب. 28 مُحْتِ شَ مُح ل. عَ شَ وَ لَ تَنْشِنِي كِي عَلَكُ عَ شَ مُنْقِنِي نَسْتِ عَ لَشَنَ قِمَ سَتِيرِي م. 29 وَنَشَ عَ لَ وَبِنَ كَبِ يِ شَ مِ نَ وَدَّع. وَشَ وَبِنَ قِنِي نَن قَلِ لَشَنَ نَمَ مَشِ مَلِدِ عَ هِي كِ مَ، عَلَكُ وَشَ وَبِنِي شَ قَنْدِ هِنَنَ رَعِ ب. 30 وَنَشَ عَلَ شَشِلِ سَنِينِشِ تَوْرَ، عَلَ وَمَنْشَمَشِ لَشَنَ نَ هَنَ عَ قَمَ وَنَ قُشَ رَلَشِ نَش. 31 وَشَ وَيِ بَ يِ قِ مَوْلِ بَرِنَ نَ؛ شَنَ، بَحْتِ، حَاشُحُ، حُشَنَسِنِي،

كُنِبْ، عَ نُنْ قِ كِبِ مَوْلِ بَرْنِ. 32 وَشَ مَرَقِي نُنْ حِ قِي مَسِنِ وَبِرْبِ.
 وَشَ دَحْ وَبِرْمَ عَلَ عَلَ دَحْشِ وَقَنَ مَ كِ نَشَّ عَ شَ مِشِ سَفَدِشِ سَابِي
 رَ.

5

حَرَقِ نَيْلِي كِي

1 ن كِي، وَتَ بَرَقَدِ عَلَ شَ دِ شَنْشِي رَ، وَشَ عَ قَشِ نَنَ نَبَ. 2 وَشَ
 حَرَّ شَنْشِي كِي عَلَ عَلَ شَ مِشِ سَفَدِشِ وَنَ شَنْشِ كِ نَشَّ، عَ عَ يَّتَ قِ وَنَ
 مَ قِ رَ، عَ قَدِ وَنَ مَ سَرَّشَ رَ لَشَنَ لَبَدَّ شِرِّ رَقَنَ عَلَ مَ.
 3 كُنْ لَنْفِيحَ، مِلَّ، نُنْ سَنِتْرَحَ مَوْلِ يَ نَشَ لُ وَيَ رَ. عَ شَ قِ حَنَ
 نَشَ قَلَّ وَتَفَ، بَرَمَ نَ مَ لَنَ سَنِتِي يَ مَ. 4 وَيِي مَسْتَرِ، دَخَّ وَيِي، وَيَنَ
 حَاشِ، عَ سِسِ نَشَ مَ وَتَفَ. نَ مَ لَنَ. وَشَ نَ تَنَتُ وَيِي نَنَ قَلَّ وَبِرِّ
 تَفَ. 5 وَشَ عَ كَلَنَ عَ قِي رَ، عَ لَنْفِي، سَنِتْرِ، عَ نَنَ مَلَنَتِ نَشَنَ مَنِي كِي
 بِي رَ، عَ سِسِ مَ قَدِشِ لُ تَنَفَمَ رَ عَلَ نُنْ عَ شَ مِشِ سَفَدِشِ شَ مَنَفِي
 نِينِ بُنَ مَ. 6 وَنَشَ عَ لُ مِشِ يَ شَ وَمَدَشَ وَيِي فَتَقُ رَ. يَ يَابَ مَوْلِي
 شَ قِ رَ، عَلَ شَ شَنَ فَرَمَ نَ مِشِي مَ نَشِي مَ عَ شِي سَشَمَ. 7 نَ كِي، وَنَشَ
 فَبُكَ عَ رَ.

8 سِنَفَ، دِمَ نَنَ نَ وَرَ، كُنْ يَكْسِ، وَبَرَقَدِ نَيْلِي رَمَرِفِ سَابِي رَ. وَ
 شَ وَحَرَّ عَلَ عَلَ لَنَ نَيْلِي شَ دِي شَ عَ حَرَّ كِ نَشَ. 9 نَيْلِي شَ وَلِ تَمَ قِ

فَقِي بَرِن، تَنَشِينِي بَرِن، نُن نَدِ بَرِن كِي. 10 وَش كَت وَش كَلْن سَت قِي مَ
 نَيْبِي عَل كَنَشِس. 11 وَشَس وَفِ رَس دِم ش وَلِ كَبِي مَ قَوْلَا! وَش
 نَ قِي مَوْلِ رَمِن كَن م. 12 بَرِم نَ مَشِ مَوْلِي قِي نَيْبِي رَمِ نَشِينِي كِي، هَلِ عَ
 عَقَلَقِ يَت مِيَا فِ. 13 كُن نَيْبَانِي قِي لَشِن بَرِن مَكَنَم، عَ تَم نَ يَ رَ. 14 قِي
 لَشِن بَرِن تَم يَ رَ، عَ قَن بَرَقَدِ نَيْبَانِي رَ، عَ قَلَشِ نَ نَن مَ،
 «عَ تَن لَشِن شَقِي، شُن.»

كَلِ قَشْمَشِي يَ مَ،

عَل شَ مَشِ سَفَنَدِشِ شَ يَنَبَّ شَ تِ عَ مَ.»

15 نَ كِي، وَ مِينِ وَ حَرَكِ مَ. وَشَس وَ حَرَّ عَلِ شَشَلَتَرِي. وَشَس وَ حَرَن
 عَلِ شَشَلِي. 16 وَ مِينِ يَ تَمِي مَ، بَرِم يَ تَمِي مَ قَن. 17 نَ نَ عَ رَ، عَ مَ
 لَن وَشَس وَ حَرَّ عَلِ شَشَلَتَرِ. وَشَس كَلْن سَت مَرِفِ وَ شَنَقِ مَ. 18 وَ نَشَس وَ
 رَسِيسَ، بَرِم شَشَلَتَرِحَ نَن نَ كِ. وَشَس كَلِ عَلِ شَشَلِ سَنِينِشِ نَن نَ. 19 وَ
 شَ وَيَن وَ بَرِبَ سَوَكِ نُن يَتِ رَ. وَشَس سَوَكِي نُن يَتِي بَ مَرِفِ بَ نَيْبِي
 كَلِمَ وَ حَ يَتِ يَتِ مَ. 20 وَشَس تَنَتِي رَسَفَ بَبِ عَلِ مَ قِي بَرِن شَ قِي رَ، تَمِي
 بَرِن. وَشَس نَ رَبِ عَلِ شَ مَشِ سَفَنَدِشِ مَرِفِ عَسِ شَلِ سَابِي رَ.

حَرَقِ يَتِ مَفْرِ كِي

21 وَشَس وَيَتِ مَفْرِ وَ بَرِبِ عَلِ شَ مَشِ سَفَنَدِشِ شَ يَرَفَاشِي كِي.

22 فَيِّ، وَّ شَ وَيَّتْ مَفْرُوشَ مَرِيَّ بَ، عَلْ وَيَّتْ مَفْرَمَ مَرِفِ بَ
 كِ نَشَّ. 23 شَمَّ قِنْدِشِ عَ شَ فِنَّ شُني نَنَ، عَلْ عَلَ شَ مِشِ سَفُنْدِشِ
 قِنْدِشِ دَنَشِنِيَّيِّ حَمَّ شُني رَكِ نَشَّ. دَنَشِنِيَّيِّ حَمَّ قَنَ قِنْدِشِ عَ قَتِ نَنَ،
 عَ بَرَّ نَشَنَ نَكِسَ. 24 دَنَشِنِيَّيِّ حَمَّ عَ يَّتْ مَفْرَمَ عَلَ شَ مِشِ سَفُنْدِشِ بَ
 كِ نَشَّ، فَيِّ قَنَ لَمَّ عَ شَ عَ يَّتْ مَفْرَعِ شَ مَرِيَّ بَ نَ كِ نَ قِ بَرِنَ كِي.

25 شَمِّي، وَّ شَ وَّ شَ فَيِّ شَنُّ عَلْ عَلَ شَ مِشِ سَفُنْدِشِ دَنَشِنِيَّيِّ حَمَّ
 شُنْشِ كِ نَشَّ. عَ عَ يَّتْ قِ دَنَشِنِيَّيِّ حَمَّ شَ قِ رَ 26 عَلَّكَ عَ شَ عَ رَسَنِيَّيْنِ،
 عَ شَ عَ رَقِيْشِ يَ رَمِسِيَّيْ سَابِي رَ، 27 عَ شَ عَ دَتَفَّ عَ يَّتْ بَ نَزَكِي.
 نَ كِي، دَنَشِنِيَّيِّ حَمَّ لَمَّ نَّ عَلْ دُفِ تَفَنِيَّيْ، شَسِ يَ مَّ نَ نَشَنَ مَ، نَشَنَ مَّ
 مَتْرَحْشِ. عَ شَ سَنِيَّيْنِ، تَتَنِيَّيْ يَ نَشَ لُ عَ مَ. 28 شَمِّي لَمَّ عَ شَ عَ شَ فَيِّ
 شَنُّ نَ مَوْلِ نَنَ. عَ شَ عَ شَنُّ عَلْ عَ يَّتْ قَتِ شُنْشِ كِ نَشَّ. نَشَنَ عَ
 شَ فِنَّ شَمَّ، عَ عَ يَّتْ نَنَ شُنْشِ. 29 مِشِ يَ مَّ نَ نَشَنَ عَ يَّتْ قَتِ شَمَّ،
 بَرَمَ مِشِ بَرِنَ عَ يَّتْ رَبْلَمَ، عَ مِينَ عَ يَّتْ قَتِ مَ. عَلَ شَ مِشِ سَفُنْدِشِ قَنَ
 مِينَمَ دَنَشِنِيَّيِّ حَمَّ مَ نَ كِ نَ، 30 بَرَمَ وَنَ قِنْدِشِ عَ قَتِ سَلْنِيَّيْ نَنَ. 31 «نَ
 كِي، شَمَّ قَمَّ نَّ كَلِدِ عَ بَبَ نُنَ عَ نَفِ شُنَّ مَ، عَ عَ مَسَّ عَ شَ فِنَّ رَ، عَ قِنْدِ
 قَتِ كَرِنَ نَ.» 32 قُنْدُ لَبْلِلِ نَنَ نَ كِ، كُنَّ آ نَ عَلَ شَ مِشِ سَفُنْدِشِ نُنَ
 دَنَشِنِيَّيِّ حَمَّ نَنَ مَ قِ قَاتِي. 33 كُنَّ كَنَكَنَ شَ عَ شَ فِنَّ شُنَّ عَلَ عَ يَّتْ

يَت. فَن قَن لَمَّ ع ش ع ش مَرِبِي.

6

1 دِي، وَّش وَّش وَفَ نُّ وَبَبِ بِنِي مَرِفِ شِ قِ رِ، بَرِمَ نَ نَن قَدِ قِ
تَنشِنَشِ رِ. 2 يَامِرِ سِنَفِ نَن يِ، بَرَكْ لَايْدِشِ نَشَنِ شَنِبِ رِ؛ «ع ش ع نَفِ
نُّ ع بَبِ بِنِي، 3 عَلَكُ قِي شِ سَوَيِّ عِ بِّ، ع ش سَمِي سَتِ دُنْحِ بَدَّ حُ قِرِ.»
4 بِي، وَفَن نَشِ وَّش دِي رَشَن. وَّش عِ شُر، وَحِ رَسِ عِل مَرِفِ
وَمَ عِ شَن مَ كِ نَش.

5 كِنِي، وَّش وَ مَرِفِي سَفِ رَبِّ، نَشِي نَ وَّشَن مَ يِ دُنْحِ مَ. وَّش
عِ بِنِي، وَفَاشِ عِ يِ رِ. وَّش عِ سَفِ رَبِّ وَنِي رِ، عِلَّ وَ عِلَّ شِ مَشِ
سُفَنَدِشِ سَفِ رِبَمَ كِ نَش. 6 وَنَشِ عِ رَبِّ عِ يِ تَدِ فَبَنَسَنِ شِ رِ، عِلَّ نَشِي
كَمَّ عِ يَتِ رَقَدِ مَشِ مَ. وَّش عِ رَبِّ نَ عِلَّ عِلَّ شِ مَشِ سُفَنَدِشِ شِ
كِنِي نَشِي عِلَّ سَفِ رِبَمَ عِ حِ بَرِنِ نَ. 7 وَعِ رَبِّ وَنَشِ رِ. وَنَشِ وَ لِ عِ
بِ عِلَّ وَنَ وَ لِقِ عِ تَن فَبَنَسَنِ نَن مَ قِ رِ. وَّش وَ لِ نَ عِلَّ وَنَ وَ لِقِ مَرِفِ
نَن بِّ، 8 بَرِمَ وَعِ كَلَن، مَشِ قِ قِنِي يِ رَبِّ، شِ عِ قَدِ كِنِي رِ، شِ عِ قَدِ
شُرِّ رِ، مَرِفِ عِ سَرِقَمِ نَ.

9 كِنِي مَرِفِي، وَفَن شِ عِ رَبِّ نَ كِ نَ وَشِ كِنِي بِّ. وَشِ بَ شَاحِقِ
عِ مَ، بَرِمَ وَعِ كَلَن مَرِفِ كِرِنِ نَن وَ بَرِنِ بِّ كَوِرِ مَ، نَشَنِ مَ مَشِ يِ
رَقَسِ عِ بَوِرِ بِّ.

عَلَّ فَرَسِي لَيْتِي قَمَّ دَشْنِيَّتِي مَ

10 عَ دَشْنِي رَ، وَّشَّ وَّسَنَّبَّ سَ مَرَفِ سَابِي رُنَّ عَ شَّ سَنَّبَ مَفَاشِشِ
 سَابِي رَ. 11 وَّشَّ عَلَّ شَّ فَرَسِي بَرِنَ تَفَّ، عَلَّكَ وَّشَّ نَ تَدَّ عَيْلَسَ شَّ
 كُوتَ بَرِنَ كَنَكِ. 12 بَرِمَ وَّنَ مَ نَ عِبْدَمَ شَّ فَرِقِ. مَنَفِي، نَلِي، يِ دُنْحِ
 سَنَمَ حَاشِي، حَنَّ لَشِي نَ كِي مَ، فَرِنَ وَّنَ نِي نِي بَرِنَ تَفَّ. 13 نَ نَ عَ
 رَ، وَّشَّ عَلَّ شَّ فَرَسِي بَرِنَ تَفَّ عَلَّكَ نَ لَشِي كَبَّ نَ عَ لَ، وَّشَّ نَ تَدَّ.
 نَ فَرِحِي شَّ وَّلِ وَّلِشِ. 14 نَ كِي، وَّشَّ تَ نَ. وَّوَتَفَّ عَشْرَ نَدَّ
 رَ. وَّتَشْنِي قَنَدِ وَّكَنَكِ مَكَنَسِ رَ. 15 وَّكَلَقِ شَبَارُ قَنِي مَسْنَدِ لَشَنَ بَحْسِ
 قَمَّ مَشِ مَ، وَّشَّ نَ قَنَدِ سَنَكِرَ رَ وَّسَنِي بَ. 16 سَقِي نَ بَرِنَ شَنَ مَ، وَّشَّ
 دَشْنِي سَشَّ وِّي رَعَلِ وَّرَلِقِ. نَ نَ نَمَّ سَنَتَنَ شَّ تَلَبَّ رَدَّشِي رَيْدَ، عَ
 عَ رَشِينِ. 17 وَّمَنَ شَّ كَسِ سَشَّ لَشَنَ قَنَدِشِ وَّشَنَ مَكَنَسِ رَ. وَّعَلَّ
 شَشَلِ سَنِينِشِ شَّ سَنَدَفَمَ قَنَ سَشَّ لَشَنَ قَنَدِشِ عَلَّ شَّ مَسِينِ رَ. 18 وَّشَّ
 عَلَّ مَشْنَدِ تَمِي بَرِنَ عَ شَشَلِ سَنِينِشِ سَابِي رَ، دَبَّ نَ مَشْنَدِ مَوْلِ بَرِنَ نَ. نَ
 كِي، وَّشَّ يَنْقِ. وَّشَّ وَّتَنْبَشِ نَ عَلَّ مَشْنَدِ رَسَنِيَّتِي بَرِنَ بَ.

19 وَّشَّ عَلَّ مَشْنَدِ آقَنَ بَ، عَلَّكَ آ نَ آ دَ عِبِ، عَلَّ شَّ آ مَلِ عَ شَّ
 شَبَارُ قَنِي قَنَدِ مَكَنَدِ بَرِنَ بَ لَمِي رَ. 20 آ قَنَدِشِ عَلَّ شَّ سَنَتَفِ نَ نَ يَلَشْنِي
 بَرَلَنَ لَشَنَ مَ نَ شَبَارُ قَنِي شَّ قِ رَ. وَّشَّ عَلَّ مَشْنَدِ آ بَ عَلَّكَ آ شَّ عَ مَسِنِ

لَمِي رَعَلْ أَلْنِ آشْ عَ مَسِينِ كِ نَشْ.

وَيَنَّ دَشْنِي

21 تَكْكَ آَمَ قِ نُنْ آَمَ وَلِ شِ قِ بَرِنِ مَسِينِ نَّ وَبَّ. وَنْ نَفْشَكْرِنِي شُنْشِ
 نَنْ عَ رَدَشْنِي كِي. تَنْبِشَلْ نَنْ عَ رَمْرِفِ شِ وَلِ كِي. 22 آَعِ شَيْشِ وَمَ
 نَنْ مَ، عَلْكَ عَ شِ مُشْ شِ قِ تَفِ رَبِّ وَبَّ، عَ مَنَّ شِ وَبِحْ رَلْمِي.
 23 بَبْ عَلْ نَنْ عَ شِ مَشِ سَفَنْدَشِ مْرِفِ عَسِ شِ بَحْسِ، شُنْتِي، نَنْ
 دَشْنِي قِ نَفْشَكْرِنِي مَ. 24 عَلْ شِ هَنْنِ قِ بَرِنِ مَ مْرِفِ عَسِ شِ شُنْتِي مَ
 حَمَّ مَشِ نَشِي بَّ.

عِنْدَ يَرِّ، تَوْرَتِ، كِتَابِي، سُسُ

**The Holy Bible in the Susu language of Guinea, using
Arabic script**

copyright © 2015 Mission Évangélique Réformée Néerlandaise et les Traducteurs Pionniers de la Bible

Language: Susu

Contributor: Pioneer Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2020-11-11

PDF generated using Haiola and XeLaTeX on 11 Nov 2022 from source files dated 29 Jan 2022

04e1b19d-d8ed-5e80-bd24-2a80bcef13bd